

大安己巳七月師在北京華陽觀時久旱在城官民懇禱  
於師曰苗將槁矣安得重蘇師乃閉目良久復謂眾曰虛  
空許雨一尺降於來日眾未純信翌日果驗官民致謝作  
此絕以示之

騰騰瑞氣接穹蒼化育羣生大道昌光變十方常不夜一時普  
濟滿空香

泰和癸亥詔赴亳州作普天大醮

無作無爲出洞天普天法道薦良緣東方雲海玉陽子特授皇  
恩第五宣

外國使謁辭不相見

道藏輯要

雲光集

堯

胃集九  
川上三

只倦心拘身不安百骸上下聚成團這迴不話人間事全體光

明都內觀

贈通眞散人

通眞萬事喜顏紅養氣全神不落空海納百川諸罪滅自然地  
獄變天宮

贈鄧先生

保惜雲霄火一團一身全德四肢安温温鉛鼎神光綻萬里靈  
明悉併攢

贈蓬萊浦裏于先生

悄悄心停福注留冥冥無相把根收澄澄悟徹無中有穩穩孤

乘般若舟

贈萊陽高姑

心是菩提大法王莫成顛倒逐波忙自然一點靈空結卻返蓬萊入故鄉

贈李都監

倦隨塵俗恣矜驕一志清剛別立標內蘊靈光含慶悅功成天外永逍遙

謝人惠李果

大道元和莫損傷萬靈眞秀競芬芳自然滋益精神別百味玲瓏透骨香

道藏輯要

雲光集

卒

胃集九  
川X文

贈贛榆縣徐福店酒監

不捨塵情去又來拔亡救苦免凶災化緣濟度開心月四序金蓮火裏栽

贈陳守元

青鸞赤鳳火雲飛集向玄宮飲玉池奪得陰陽眞造化方知脫了死生危

棣州張姑求教

藏頭拆字四首

生大道自然香有眞師細校量路上通仙信息灰方得性舒長

喚高菴主

二首

傳要訣道懷包覺心田眞遇遭日化公休隱跡登雲步轉清高